

# შინაური საქმეები

№ 31.

ოთხშაბათი, ნოემბერი 3, 1910 წ.

ტალკა ნომერი ღი.ს 5 კაპიტალ.

ადრესი: ქუთაისი „შინაური საქმეების“ რედაქცია.

ყოველკვირეული გაზეთი.

შინაური: 1, სჯული ბუნებრივი და სჯული განცხადებული. ქრისტე და ბუდდა — სანქციონისა. 2, საქირა თუ არა კაცისთვის რელიგია? — მლ იოან. ლუკიანოვისა 3, ყ-დ სამღვდლო ლეონიდეს მოგზაურობა გურიაში — № 4, სამეურნეო ცნობების გავრცელების საქიროება ხალხში სამღვდლოების მიერ — მლ. სერგეი მაჭარაშვილისა. 5, წაღმა-უკულმა — კ. წუთისოფ ლელისა. 6, წერილი გრაფ. ლ. ნ. ტოლსტოისა. 7, ნარკვევი. 8, კვირიდან კვირობამდე.

მომავალ 1911 წლიდან. სარწმუნოებრივ-ზნეობრივ-საზოგადოებრივი გაზ.

## „შინაური საქმეები“

გამოვა ყოველ თვეში ოთხი ნომერი, გარდა კვირიკობისთვისა და მარამობისთვისა, როცა გაზეთი სულ არ გამოვა. გაზეთის წლიური ფასი ყველგან რუსეთში 3 მანეთი. ბ.ბ. ხელის მომწერლებს ვახოვთ გაზეთის ფასი მთელი წლის ერთად გამოგვიგზავნონ.

ყოველკვირეულ გაზეთ

„შინაური საქმეები“

ხელის მოწერა მიიღება რედაქციაში, ქ. ქუთაისში (საბურთალო — პაჩაკოვის შესახვევში № 17) და თფილისში გამომცემელთან სომხის ბაზარში, სიმონიანცის შუშის მაღაზიაში.

წლიური ფასი 4 მან. ნახ. წლით 2 მ. და 50 კ.

გაზეთი თუ მთელს დასაბუქდად და ყოველგვარ განცხადებებს.

სჯული ბუნებრივი და სჯული განცხადებული.

ქრისტე და ბუდდა.

(ბ. ივ. როსტომაშვილის წიგნაკის გამო).

ყოველ ზნეობრივ საქციელს ღრმა საფუძველი უდევს ადამიანის ბუნებაში. ადამიანს ყოველ განვითარების საფეხურზე თან სდევს ერთნაირი ალღო, რომლითაც იგი განარჩევს კეთილს ბოროტისაგან, ზნეობრივ საქციელს უზნეოსაგან. ასეთ ალღოს სამღვდლო წერილის ენაზე შინაგანი სჯული ჰქვია, მდაბიურათ კი სინიღისი. ადამიანმა რომ ამ ალღოს, ამ შინაგანი სჯულის ბრძანებას მისდიოს, შეგვიძლია დარწმუნებით ვსთქვათ, რომ არასოდეს არ შესცდება კეთილისა და ბოროტი საქმის განარჩევაში, შინაგანი სჯული ყოველთვის სისწორით უჩვენებს მას ღვთისათნო ზნეობის გზას. ჯერ წერილობითი





სჯული არ იყო გადმოცემული ღვთისაგან, რომ ადამიანი შინაგანი სჯულის მეოხებით სცნობდა კეთილსა და ბოროტს. ჯერ კიდევ მაგალითი არ ენახა, მაგრამ ადამიანმა უკვე იცოდა, რომ კაცის კვლა ცოდვაა. მრუშება, ცილის წამება, სხვისი საკუთრების მითვისება—ყოველთვის ცუდ და შეუწყნარებელ საქციელად ირიცხებოდა. ამიტომაცაა, რომ ადამიანი ზოგიერთ თავის საქციელს ყოველთვის მალავდა და ფარულად მოქმედებდა, ხოლო სხვებს აშკარად და განცხადებულად. ასეთი ცოდვა-მადლის განრჩევა, ასეთი კეთილისა და ბოროტის გამოცნობა ერთი უმთავრესი თვისებათაგანია ადამიანისა და თუ ადამიანს რამე კეთილზნისანი შეუქმნია, მხოლოდ ამ შინაგანი სჯულის მეოხებით. და რადგან ეს შინაგანი სჯული ერთია ყველა კაცისათვის, ყველა ხალხისათვის, ამიტომ ხშირად ერთი ხალხის ზნეობრივი კანონები მეორისას წააგვანან, თუ სულ ისეთნივე არ არიან. თავისთავად ცხადია და აქ არაფერი გასაკვირვალე არ არის, რომ, რადგან შინაგანი კანონი, შინაგანი სჯული ერთი და იგივეა ყველა ადამიანში, მისი შედეგებიც ერთი და იგივე უნდა იყვნენ, და თუ ნამდვილად ხშირად ერთი და იგივე არ არიან, ეს იმის ბრალია, რომ ყველა ერთნაირ ყურადღებას არ აქცევს ამ შინაგან სჯულსა, ბევრი სარგებლობით, გამორჩენის სურვილით ხელმძღვანელობს და არა შინაგანი სჯულის უანგარო მოთხოვნებით. ეს შინაგანი სჯული გარედგან მიწებებული არა აქვს ადამიანის ბუნებას, ეს არ არის შემდეგ შენაძენი ქონება ადამიანის გონებისა, იგი თვით მის ბუნებასთან არის დაბადებული და მისი წყალობაა, ვინც ეს ბუნება შექმნა, ვინც ადამიანი ადამიანად გააჩინა. ამიტომაცაა, რომ გარეგანი სჯული, რომელიც მოცემული გვაქვს ჩვენ ძველისა და ახალი აღთქმის მცნებებში, არ ეწინააღმდეგებიან შინაგან სჯულის კანონებს, წინააღმდეგ ივინი სრული თანახმანი არიან

ურთი-ერთისა, რასაც ამართლებს ერთი, მასვე ამართლებს მეორეც და რასაც უარყოფს ერთი, მასვე უარყოფს მეორეცა.

ამიტომ არ უნდა გვიკვირდეს, თუ ზოგიერთი ზნეობრივი კანონები, შექმნილი რომელიმე სჯულმდებლისაგან, ეთანხმებიან იმ ზნეობრივ კანონებს, რომლებიც გადმოცემულია საღვთო განცხადებაში, არ უნდა გვიკვირდეს თუ ზოგიერთ ქრისტეს მცნების მსგავს მცნებებს ჩვენ ვპოვებთ სხვა სარწმუნოების ხალხთა შორისაც. „სული ბუნებით ქრისტიანია“-ო, სთქვა ერთმა ცნობილმა ეკლესიის მამამ, და თუ ეს ასეა, თქმა არ უნდა, ზოგიერთ შემთხვევაში ეს ქრისტიანი სული ქრისტიანულ ზნეობრივ კანონებსაც შექმნის.

მაგრამ, როგორც უნდა იყონ ადამიანის სინიდისის შექმნილი ზნეობრივი კანონები, ივინი მაინც ნაკლულევანნი არიან, მოკლებულნი არიან იმ სისრულეს, რომლითაც განირჩევიან საღვთო განცხადებით გადმოცემულნი ზნეობრივი კანონები. ეს თავისთავად ცხადია ყველა-სათვის და არავითარ დამტკიცებას არ საჭიროებს.

ქრისტიანული მორალი, როგორც ზეგანცხადებული სწორეთ ასეთი სისრულით განირჩევა და მისი შედარება სხვა სარწმუნოების მორალთან მისი დამტკიცებაა და შეურაცხება.

გასაკვირვალეა, რომ ასეთ ღვთაებრივ სისრულეს ქრისტიანული მორალისას ვერ ამჩნევენ მრავალნი ბრძენნი ამა სოფლისანი, ივინი ჰგონებენ, რომ ქრისტიანული მორალი, მოტანილი ქრისტეს მიერ, გადმოღებულია, ძველი ხალხების მორალიდან. ამასწინათ დელიჩმა ქვეყანას ყურები გამოუქედა, მოსეს სჯულის კანონები დიდი ხნის წინეთ ცნობილი იყვნენ მეფეამურაბის კანონებშიო. გომართელმაც ეს უკანასკნელი სიტყვა(?) მეცნიერებისა აუწყა ქართველობას.<sup>1)</sup>

<sup>1)</sup> იხ. „შინ. საქ.“ № 7 და ქვ. 1908 წ.



ასეთი მდგომარეობასვე განიცდის მაცხოვრის ზნეობრივი სწავლაც ზოგიერთ შეცნიერების ხელში. იესო ქრისტეს და მის ზნეობრივ მოძღვრებას ხან სოკრატს აღარებენ, ხან ბედლას და ხან კიდევ, ღმერთმა იცის, ვის, და ყოველთვის ამ სხვებს წინ აყენებენ ქრისტეზე ან, ყოველ შემთხვევაში, იმას მაინც ამბობენ, რომ ქრისტემ მათგან მოისესხა თავის ზნეობრივი სწავლაო.

ამ უკანასკნელ ხანებში ქრისტეს უფრო ბუდლასთან დაუწყეს შედარება და პირველის ზნეობრივი სწავლა მეორის ასეთისავე სწავლის შედეგად აღიარეს. არიან ისეთი გაბედული წინასწარმეტყველებიც, რომლებიც ბუდლას სჯულს მსოფლიო მნიშვნელობას აწერენ და მომავალ კაცობრიობის სჯულად აღიარებენ.

ამ მიზნით ზოგიერთმა კაცობრიობის მეგობრებმა ხელი მიჰყვეს ბუდლას ცხოვრებისა და ზნეობრივ სწავლის მდაბიურად გადმოცემას, რათა მოუბოვონ მას თავყვანის მცემელნი ფართო საზოგადოებაში. თუ არ ვსცდებით, ამ მიზნით უნდა იყოს გამოცემული ბ. ივ. როსტომაშვილის მიერ შედგენილი წიგნაკი „ბუდლა და მისი სწავლა ცხოვრება—სიცოცხლეზედა“. რომ ამ წიგნაკს ასეთი მიზანი აქვს ამაში იქიდგანაც ვრწმუნდებით, რომ მას თავში ასეთი წარწერები უძღვის: „იათ ფასიანი სახალხო და საყმაწვილო ბიბლიოთეკა № 1,“ „ბუნებრივი რჯული“ და კიდევ შემდეგი დიდმნიშვნელოვანი ეპიგრაფი: „ბევრი ბრძენი და მოაზრე მოჰვლენია კაცობრიობას თვის ხანგრძლივ ცხოვრებაში, მაგრამ განათლებული ბუდლა უდიდესია“.

უსუსური თავმოწონე მკითხველი, თქმა არ უნდა, ამ ეპიგრაფს ობოლ მარგალიტად მიიღებს, ბუდლას უდიდეს ბრძნათ აღიარებს და მაშასადამე მის ნაქადაგებ „ბუნებრივ სჯულს“—ზნეობრივ სწავლას ეჭვ-დაუდებელ ქეშმარიტებად და ესაა ხომ პირდაპირი განძრახვაც წიგნაკისა.

ამიტომ მეტათ არ მიგვაჩნია შევადაროთ ბუდლასა და ქრისტეს ზნეობრივი სწავლა (თუმცა ასეთი შედარება შეგინება ქრისტეს ზნეობრივ მოძღვრებისა) და ვაჩვენოთ არარაობა პირველისა მეორესთან შედარებით.

არის ართი რამ იესო ქრისტეს მოძღვრებაში, რაც არ მოსწონს, რაც ვერ მოუნელდება, ვერცე წოდებულ, ათეისტურ მიმართულების მექონ ხალხს. საქმე იმაშია, რომ ქრისტე ყოველივეს აფუძნებს ღმერთზე, მისი ნამცენები ზნეობრივი კანონების მყარ საფუძვლად აღიარებულია ღმერთი, უმისოთ არ არსებობს არივითარი მორალი; მორალი უმაღლესი არსების ნების მოთხოვნილებაა; სიწმიდის იდეალი ღმერთია და ადამიანი მაცხოვრის მოძღვრებით ვალდებულია დაემსგავსოს მას: „იყენებით წმიდა ვითარცა წმიდა არს მამა თქვენი ზეცათა“. ყოველი სიწმიდე, ყოველი ზნეობრივი მოვლენა ადამიანში, ქრისტეს მოძღვრებით, თავის აზრს და განმართლებას ჰპოებს ღმერთში და საიქიაც ცხოვრებაში; კეთილი საქმე არა თავისთავადაა საჭირო, იგი მიზანი კი არ არის, არამედ მიზნის მისაღწევი საშუალებაა. თვით მიზანი კი ღვთის ნების აღსრულებაში, ღვთის სათნო-ყოფაში და სასუფეველის დამკვიდრებაში მდგომარეობს.

შინაგან სჯულთან ერთად ადამიანის ბუნებას თანშობილი აქვს იდეა უმაღლეს კანონმდებელზე, ღმერთზე, რომლის ნებასაც უნდა ასრულებდეს ადამიანი თავის სიცოცხლეში. ამიტომ რამდენად ეს იდეა ღვთისა, ეს წარმოდგენა ღმერთზე უფრო ფაქიზი, უფრო წმიდა და სპეტაკია, იმდენათ ადამიანის მორალიც წმიდა და სპეტაკია და წინააღმდეგ. სწორეთ აქიდგან აიხსნება ის გარემოება, რომ ძველი კაცობრიობა ყოველ ღმერთს შესაფერი ზნეობრივი მოქმედებით მსახურებდა, მაგ. მარსს (ღმერთი ომიანობისა)—ომიანობით, ვაკსს (ღმერთი ღვინისა და ღოთობისა)—



ლოთობითა და ღვინის სმით, ვენერას (ღმერთი მშვენიერებისა და ხორციელი სიყვარულისა) — გარყვნილებით და სხ. თუ ასეთი წარმოდგენა არა, ადამიანი ვერაფრით გააპართლებს თავის ზნეობრივ საქციელს, რადგან გარეშე ბუნებაში ვერ პპოებს ვერავითარ საბუთს ამ განმართლებისათვის. გარეგან ბუნებაში გამეფებულია ბრძოლა არსებობისათვის, აქ ყოველ მოქმედებას სარჩულად პირადი სარგებლობა უდევს და არა თავ-განწირულება, რასაც მოითხოვს უმაღლესი ზნეობრივი იდეალი, იდეალი ღვთის არსებობაზე დამყარებული და აღმოცენებული.

აი სწორეთ ეს ღვთის არსებობაა, ეს ღმერთზე დამყარებული ზნეობრივი სწავლაა, რომ აბრთხობს და აშინებს ღვთის შიშიანობით დაავადებელ ადამიანებს. საიქიო ცხოვრებაა ის კაჟი<sup>1)</sup>, რომელსაც ვერ ინელებს ასეთი ადამიანის ტვინი. ასეთი ადამიანი ამ ქვეყნიერათ ეძებს კმაყოფილებას და ამიტომ წყალწადებულებით ყოველ ხავს ეკიდება, იქნებ თავი შევიმაგრო ცხოვრების აბობოქრებულ მდინარეშიო. ქრისტე კი ქვეყნიურ ცხოვრებას უყურებს, როგორც მოსამზადებელ განყოფილებას, რომელშიდაც ადამიანი ემზადება მომავალი ცხოვრებისათვის. ქრისტეს მოძღვრებით ქვეყნიური ცხოვრება თვით კი არ არის მიზანი, არამედ მიზნის მისაღწევი საშუალებაა აი აქ უნდა ვეძიოთ იმის მიზეზი, რომ ბუდდას უღვთო მოძღვრებამ „ბუნებრივი სჯულის“ სახელი მოიხვეჭა და მიიზიდა ერთგვარი ჯურის ადამიანები, რომელთაც არ უნდათ იყოს ღმერთი, უკვდავება და საიქიო ცხოვრება თავის წაწყმედა-ცხოვნებით.

<sup>1)</sup> ტალი.

**სანმანიანი.**

(შემდეგი იქნება).

# საჭიროა, თუ არა კაცისათვის რელიგია?

გაგრძელება<sup>1)</sup>.

**რელიგია საჭიროა კაცისათვის, იმიტომ რომ იგი აკეთილოვანებს მას და აწვევს მის დანიშნულებას.**

პირუტყვი მოკლებულია გაუმჯობესების ნიქს. დამორჩილებულია-რა უძრავინსტინქტს, იგი სდგას განვითარების იმავე წერტილზე, რომელზედაც დაყენებული იყო იგი პირველ-გაჩენის დროს. მაიმუნნი არ წასულა ცივილიზაციაში იმაზე წინ, რომელშიაც იდგა იგი მეროვინგების დროს; ფუტკარი თავის სკაში ისეთივეა ეხლაც, როგორიც იყო იგი ვირგილიოსის დროს, რომელიც ქებას ასხამდა მას მისი შრომის მოყვარეობისა და დაუღალაობისათვის. მართლაც და აბა რანაირათ წავიდოდა წინ, როგორ გაუმჯობესდებოდა პირუტყვი, როდესაც იმას არა აქვს იდეალი, და როდესაც იმას არა აქვს შემეცნება დაუსრულებლობაზე? ამნაირათ, იგი სცხოვრობს მოსვენებით და უზრუნველად, რადგანაც, საზოგადოდ, უკმაყოფილება არის შედეგი უკეთესის წყურვილისა, ბედნიერებისაკენ მისწრაფებისა.

ადამიანს-კი, როგორც გონიერ და თავისუფალ არსებას, მიცემული აქვს სურვილი დაუსრულებლობაში ჩაიხედოს, მას აქვს იდეალი; იგი თავის თავს ყოველ წუთს გრძნობს არა სრულად; ის მისწრაფვის შენიშნოს სრული სახე, რომელიც მას შორს ეჭვენება. რაც უფრო მომეტებულად დაჯილდოვებულია კაცი ბუნებით გონებითა და გულით, მით უფრო მიიჩნია მას საჭიროდ თავისი გაუმჯობესება, მით უფრო მიისწრაფვის უკეთესისაკენ, დაუსრულებელისაკენ, ღვთაებისაკენ. რელიგია აკმაყოფილებს ამ ჩვენს ბუნებრივ მოთხოვნილებას თვით გაუმჯობესების და პროგრესისაკენ მისწრაფების შესახებ. ჩვენს გონებაში, მაგალითად, რელიგია აფართოვებს შევნებას დროებაზე და გვაძლევს ჩვენ რამოდენადმე წარმოდგენას მარადისობაზე; აფართოვებს აგრეთვე შემეცნებას მანძილზე და გვაძლევს ჩვენ წარმოდგენას დაუსრულებლობაზე. რელიგია ამოძრავებს კაცის გონებას და აიძულებს მას ღრმა გამოკვლევისათვის, აი რა-

<sup>1)</sup> ის. „შინ საქ.“ № 80.



ტომ არის, რომ დიდი გენიოსები კაცობრიობაში იყვნენ **მორწმუნენი**; ამას მოწმობენ სახელები წმ. ვასილი დიდისა, ნეტარი ავგუსტინესი, წმ. გრიგორი ნისესელისა, ათეიზმს, პირიქით, არავითარი დიდი ნაწარმოები არ მოუცია ფილოსოფიისა და ხელოვნების მეცნიერებაში.

ზნეობის შესახებ მხოლოდ რელიგია აწვითარებს და აკეთილოვანებს კაცს. იგი გვაძლევს ჩვენ იდეალს სიკეთისას, იდეალს მოვალეობისას, იდეალს შეურყეველს და უცვალებელს; —სხვა სიტყვით, ეს იდეალი არის თვით ღმერთი.

**„იყვენიო თქვენ სრულ, ვითარცა მამა თქვენი ზეცათა სრულ არს“ (მათ. 5, 48).**

ამ დაუსრულებელი იდეალის მისწრაფებაში, ბევრი გვიჩვენებენ ჩვენ საგმირო მაგალითებს წმიდა ცხოვრებისას. იგინი ამაღლებდნენ საზოგადოებრივ ზნეობას; სარწმუნოების მტრებს სირცხვილს აგონობინებდნენ მათის ბიწიერებისათვის. მაგრამ სადა ჰყავს ათეიზმს მისი წმინდანები? რომელი კეთილი საქმე აღმოცენდა ურწმუნოების ნიადაგზე? რა შეუძლიან მოგვცეს ზნეობრივ კანონს, თუ მას კანონისმდებელი არა ჰყავს, და არავისგან დაკანონებული არ არის? ეს კანონი არ არის; თუ ღმერთი არ არის, აღარც ზნეობა შეიძლება იყვეს. მართალია, ათეისტებს, საზოგადოების აზრის დასამშვიდებლად, შეუძლიანთ რაიმე ბუნებრივი კეთილი საქმეები იქონიონ; მაგრამ ეს მხოლოდ ფარისევლური პირმოთნობა იქნება. ამ ხილული საქმეებით ათეისტები ჰფარავენ თავიანთ ილუმალ ბიწიერებას. ათეისტებზე შეიძლება ითქვას სიტყვები ერთის შესანიშნავის კაცისა: „რომ ვინმეს ნება მისცენ ორში ერთი ამოიჩიოს: თავის ცხოვრება გაამხილოს დაწვრილებით, ან დამალოს მისი გარემოებანი, ათეისტი, უეჭველია, ამოიჩივდეს მეორე პირობას, მინამ პირველს“. მხოლოდ ერთ რიგს ხალხისას არ შეეშინდება, რომ მისი ცხოვრება გამოქვადნდეს საქვეყნოდ, —ეს არიან წმიდანები, რომელთა ცხოვრებაც წარმოადგენს მიბაძვას ქრისტესას, რომელიც უმაღლესი იდეალია სისრულისა.

აღამიანი ბუნებით რელიგიოზურია უკვე იმიტომ, რომ მას თავის ვაკეთილოვანება შეუძლიან. კაცი არის არსება რელიგიოზური და მუდამ პროგრესიული იმიტომ, რომ იგი სცნობს ღმერთსა, ხდის ფარდს დაუსრულებელს და უნდა მისწვდეს მას. იმიტომ ერთი

ჩვენ დროის ფრიად ნასწავლი ბუნების გამომეძიებელი აშბობს, რომ რელიგიოზობა არის უმოაერესი ნიშანი, რომლითაც კაცობრიობა განსხვავდება ცხოველებსაგან. აქედგან, კაცი არასოდეს არ არის ისეთი დიდი, როგორც მაშინ, როდესაც იგი დაჩოქილი ღმერთს თავყვანსა სცემს. აი სწორეთ ამ წუთს იგი აღის იმ სიმაღლეზე, რომელზედაც ვერასოდეს ვერავა ვერავითარი ცხოველი, და ამ სიმაღლეზე იგი ხდება მეფედ გარშემორტყმული ბუნებისა. აი რატომ არის, რომ ჩვენ ყოველთვის გვესიამოვნება დანახვა ლოცვაზე მდგომი კაცისა, და აი რატომ ახდენს ჩვენზე ცუდ შთაბეჭდილებას, გარეგნულად თუნდაც ლამაზი, კაცი, თუ იგი ქარაფშუტად ან მასხარაობით ლაპარაკობს ღმერთზე, რელიგიაზე.

**რელიგია საჭიროა კაცისათვის, რადგანაც მხოლოდ იმას მიჰყავს იგი ბედნიერებისაკენ.**

ჩვენ ყველას გვაქვს ძლიერი ნდობა ბედნიერებისა; ეს კანონია ჩვენი ბუნებისა. ყოველი პროგრესი მეცნიერებისა და ხელოვნების სფერაში არის მისწრაფება კაცისა ბედნიერებისაკენ. მაგრამ ბედნიერების მისაღებად საჭიროა შევასრულოთ ის პირობები, რომლებშიაც იგი შესაძლებელია; საჭიროა, რომ ჩვენს გონებას, რომელიც იტანჯება ცოდნის წყურვილით, ჰქონდეს სახეში თავის წინ ქეშმარიტება, რომლისკენაც მიისრწაფის; საჭიროა, რომ ჩვენს ნებას, რომელსაც სწყურიათ სიყვარული, ჰქონდეს თავის წინ ისეთი სიკეთე, რომ შეეძლოს მისი დაკმაყოფილება.

ურელიგიოთ კაცი იქნებოდა უმიზნო არსება, რადგანაც მის მისწრაფებას და ნიქს არ ექნებოდა შესაფერი დაკმაყოფილება. და რადგანაც მისი ცხოვრება უმიზნო იქნებოდა, მაშ აღარც იმის გონებას და აღარც გულს არ ექნებოდა თანასწორობა ძალისა.

ურელიგიოთ, უღმერთოთ რასა გრძნობს კაცი, გარდა მწუხარებისა ურწმუნოებისაგან? რა იცის იმან კაცის დანიშნულების დიდ კითხვაზე? —საიდგან მოვიდა ის (კაცი), სად მიდის, როგორი იქნება ბოლო მისი არსებობისაა არსებობს, თუ არა, ღმერთი, ან როგორი, მისი თვისებანი? —აი კითხვები, რომლებიც მას აწუხებენ, და რომლებზედაც იგი პასუხს ეფრ მისცემს. ჩვენი დროის ათეისტი ეუფრუა აღშფოთებული მოგვითხრობს იმ ტანჯვა-წვალებებზე, რომელიც იმან გამოსცადა, როდესაც იტყვეულობამ შეარყია მისი რელიგიოზური



რწმენა, გაჰფანტა მისი ოჯახური ტრადიციები, ბავშობის მოგონებანი. „მე მეჩვენა, ამბობს იგი, რომ ჩემი წინანდელი ცხოვრება, ასეთი ბედნიერი და სასიხარულო, გაჰქა, უკან დარჩა, და წინ გამოსჩნდა სულ სხვა ცხოვრება, ბნელი, უბედური, რომელმაც ისე მომაბეზრა თავი, რომ ჩემ სიცოცხლეს ვწყველიდი. ჩემ სულს ვერ შეედლო ამ მდგომარეობის მიჩვევა; იგი, როგორც ხომალდი ტალღების წინააღმდეგ მიმავალი, მისწრაფოდა დაბრუნებას დაკარგული ნაპირისკენ“. ურწმუნო კაცი ტყუილად ეძებს ბედნიერებას. იგი უმწეოდ სდგას საშინელი უფსკრულის წინ; და მის თვალწინ იშლება არეულ-დარეულობა, სიცოცხლე. რაც უნდა ამა ქვეყნიური სიკეთებით იყვეს აღსავსე ურწმუნო კაცის ცხოვრება, მაინც ეს ვერ აგრძობინებს თავს ბედნიერად. პირიქით, რაც მომეტებულ ქვეყნიურ სიკეთეს აგროვებს კაცი, მით მომეტებულად სწვალობს და მობეზრებული აქვს მას ცხოვრება. „მე ვიყავ ყველაფერი, — ამბობს იმპერატორი სევერი, — სალდათობიდან მე მივალწიე მეფობის ტახტს; მე ყველაფერი მქონდა, მაგრამ დაეინახე, რომ ეს ყოველივე არაფერია“. პლატონი თავის წერილში მეგობრობის შესახებ ამტკიცებს, რომ ჩვენი სული, რომელსაც ყველა ქვეყნიური სიკეთე გამოუტყდა, რწმუნდება, რომ ამ სიკეთეებს არ შეუძლიანთ მისი დაკმაყოფილება, და ამიტომ, იგი მისწრაფის გაუთავებელი სიკეთისაკენ; მხოლოდ აი ამ სიკეთეს, საუკუნო სიკეთეს, შეუძლიან მისცეს კაცის სულს ნეტარება.

ამნაირათ, ქვეყნიურ სიკეთეებს არ შეუძლიანთ კაცის გულის დაკმაყოფილება. რაც უფრო მაღალია გონება, რაც უფრო გრძობიერია გული, მით უფრო მომეტებულად ღრმია და დაუცხრომელია მწუხარება, მობეზრება ცხოვერებისა.

სულ სხვა არის მორწმუნე ადამიანის მდგომარეობა. ეს მდგომარეობა გვაძლევს ჩვენ ისეთ წარმოდგენას ბედნიერებაზე, რომელიც შეიძლება ითქვას, წარმოადგენს დასაწყისს საიქიო ნეტარებისა. მორწმუნე ადამიანის სულში მშვიდობა და მყუდროებაა გამეფებული; იგი დამშვიდებულია წარსულისათვის, რადგანაც იცის მისი დასაბამი; დამშვიდებულია აწმყოსათვის, რადგანაც ნათლად ხედავს გზას, რომელზედაც უნდა გაიაროს; დამშვიდებულია მომავლისათვის, რადგანაც უტკეპის სიკვდილს იმ რწმენით, რომ საიქიო ქვეყანა-

ში გადასვლა იქნება მისთვის გაუთავებელი ნეტარება ღვთის შვილისა. მორწმუნე კაცი, მშვიდობიანის გულით, პირზე ღიმილით, იტანს თავის ცხოვრების ყოველივე დაუდგრომელობას. თუ ის განიცდის უბედურებას, თუ ის გრძნობს თავს უსამართლოების მსხვერპლად, — ეს იმას ცოტათი ადარდებს: იმან იცის, რომ ღმერთი ჩაუთვლის ყოველივე მის გარჯილობას, იცის რომ პირველად საჭიროა ბრძოლა, მინამ დაიმსახურებდეს გამარჯვების გვირგვინს. თუ სიკვდილი ართმევს მას საყვარელ არსებას, მაშინ იგი აპყრობს თვალს ზეცისაკენ, სულით მაღლდება ამ ქვეყნიდან, და სწყურია ის დრო, როდესაც ის ხელმეორედ შეხვდება ძვირფას არსებას სინათლისა და სიყვარულის საყოფელში. ამიტომ სამართლიანია სიტყვები: ცხოვრება ნამდვილად-მორწმუნე კაცისა არის სამარადისო დღესასწაული.

**მღვდ. იოანე ლუკიანოვი.**

(შემდეგი იქნება).



**ქ-დ სამღვდლო ლეონიდეს მოგზაურობა ბურიაში.**

(დასასრული<sup>1</sup>).

ფამფარეთის და ვაკიჯვრის ეკლესიები ყველაფრით უვარგისები არიან და მათში მღვდელმოქმედებათა შესრულება შეუაბამოა ქრისტიანობის ღირსებისათვის. ერთიც და მეორეც საჭიროებს შეკეთებას და შეკეთებამდე მისმა მეუფებამ აღკრძალა წირვა-ლოცვა.

თექვსმეტ მარტს მისი მეუფეა მიბრძანდა ბაღდადში, ზემო და ქვემო უჩხობში, გონების კარში და გომში.

ყველგან უფერული, ღარიბი და მოუწყობელი ეკლესიები შეხვდა.

ეპისკოპოსი ყველგან დალაგებით და მარტივად უჩვენებდა ხალხს ეკლესიის ნაკლულევანებას, უხსნიდა ღვთის სახლის მშენებლის მნიშვნელობას და ავალებდა ყველას თავის სალოცავის ერთგულებას.

ამ დღეს მტერი ნაწილი მღვდელმთავარმა

<sup>1</sup>) იხ. შინ. საქ. № 30.



მოანდომა სამრევლო სკოლების დათვლიერებას. მართალია, ეს სკოლებიც, — ორი უჩხოზის და ერთი გონების კარისა, — არ ბრწყინავდნენ შენობებით და არც საგნების ცოდნით, მაგრამ მაინც გვარაიან შთაბეჭდილებას ახდენდნენ მნახველზე იმითი, რომ ბავშვებს საკმაოდ შეთვისებინათ წირვის გალობა.

ხსენებულ და კიდევ რამდენიმე სხვა სკოლებში გალობის მასწავლებლათ არის ვინმე ბარნაბა სიმონიშვილი. ამ სიმონიშვილს არავითარი სასწავლებელი არ გაუთავებია, მაგრამ გალობის სიყვარული ჰქონია, მიუმართავს ნაკაშიძისა, კონტრიძისა, მოლარიშვილებისათვის და იმდენათ შეუთავისებია წირვის და მწუხრის გალობა, რომ ეხლა სხვებსაც მარჯვეთ ასწავლის, და ასეთი პატიოსანი შრომით ლუკმა პურსა შოულობს.

მეტად საყურადღებოა და ხალხისათვის დიდად სასარგებლოა გონების-კარის ხელთსაქმის მასწავლებელი.

ქუთაისის გუბერნიაში მარტო ხონშია ამ შკოლის მსგავსი დარაიების საქსოვი სახელოსნო, მაგრამ გონების კარის მასწავლებელი ყველაფრით მაღლა სდგას ხონისაზე. გონების კარის სახელოსნოში აბრეშუმის პარკს იღებენ შულოვებად, შულოვებს ძაფათ ართავენ ჰვრეხენ და ხვეწენ, მერე ქსოვენ ფერად და თეთრ დარაიებს, აქვე ქსოვენ ტილოებს, ჩითებს და შალებს. ყველაფერ ამას აკეთებენ სულ უბრალო, მომეტებულ ნაწილად ხის მანქანებით, რომლებსაც ამზადებს თვით ამ შკოლის მასწავლებელი.

ბ. კავკასიის სამოსწავლო ოლქის მზრუნველს იმდენად მოსწონებია ეს სახელოსნო, რომ დახმარებას დაჰპირებია და მართლაც მარტში მიიღო კიდევ ბ. მზრუნველისაგან სახელოსნოს გამგემ მ. ანდლულაძემ რეაისი მანათი საჭირო ხელსაწყოების შესაძენათ.

ასეთი შკოლები რომ ბევრი იყოს ჩვენში, დღევანდელი საბრაღისი სოფელი სულ ჩქარა იცვლიდა საუკეთესოდ ფერსა და ხალხიც მალე გაიმართებოდა წელში.

ჩვიდმეტ მარტს ყ-დ სამღვდელომ შემოქმედის საზოგადოების ეკლესიების დათვლიერებით მოათავა ბახვის საბლაროჩინო ოლქი. ხსენებულ საზოგადოებაში სამი სამრევლო ეკლესიაა: შემოქმედისა, გვარისა და წითელ-მთისა. ერთი მათგანი, სახელდობრ გვარი, სულ არაფერს არ წააგავს და არც

საჭირო ყოფილა 'აქ ეკლესია, რადგანაც ხსენებული ეკლესიის დღევანდელ მრევლს ზედ აკრავენ წითელ მთის და შემოქმედის ეკლესიები.

დიდი მადლობა უბრძანა ყ-დ სამღვდელომ შემოქმედის ეკლესიის წინამძღვარს დეკანოზს მ. ანტონ გალოგრეს ეკლესიაში იდიალური სისუფთავის და მხურვალე მზრუნველობისათვის.

ეტყობა, რომ პატიოსანი მოძღვარი მთელი თავისი არსებით მისცემია ეკლესიას და ხალხიც გრძნობს ამას, ხალხიც უფასებს მას ეკლესიის ერთგულებას და პატივის ცემით ეგებება ყველა მის დავალებას.

სასიამოვნოა აგრეთვე, რომ შემოქმედის მონასტერსაც ამ ბოლო დროს გასჩენია შეგნებული და გულშემატკივარი წინამძღვარი, არხიმანდრიტი გერასიმე. მამა გერასიმეს, კეთილი ხალხის დახმარებით, ბევრი უშრომია: ძველი ტაძრის კედლები გარედამ მთლად გაუახლებია, ეკლესია საუცხოვოთ გაღუბურავს, შიგნით ყველა ნივთი თავის ალაგასაა, ყველაფერი დაკრიალებულია და ყველგან სამაგალითო სისუფთავეა.

თვრამეტ მარტს ყ-დ სამღვდელომ ინახულა ახალსოფლის ეკლესია და მშვიდობით დაბრუნდა საკათედრო ქალაქ ფოთში..

მის მეუფებას მგზავრობაში ახლდა საეპარქიო კანცელარიის მდივანი ბ. გ. მარგალიტაძე. ბატონი მდივანი სჩხრეკდა ეკლესიის შესავალ-გასავლის წიგნებსა, მეტრიკებს, აღსარების მთქმელთა სიებს და ანგარიშს უშვრებოდა წმიდა სანთლის წარმოებას. ყველა ამავისთვის კარგახანია აღარც მღვდელ-მთავრებს და არც ბლაროჩინებს აღარ ყურადღება, მიუქცევიათ. ხალხის მოძრაობის დროს ხომ ბევრგან თვით მღვდლებმაც ხელი აიღეს მათზედ.

უვარგისად ნაწარმოები დოკუმენტებისა და დაბნეული ანგარიშების შესწორებამ დიდი შრომა და მოთმინება მოსთხოვეს ბ. მდივანს, მაგრამ სამაგიეროთ გვარაიანი საქმეც ვარიგდა.

ეკლესიის კრებულმა გაიგო, რომ მიუცილებელად საჭიროა საეკლესიო დოკუმენტების წესიერად წარმოება და, იმედია, დღეის იქით ამ საქმეში ჩვენი სამღვდლოება უკუაგდებს ძველ დაუდევრობას და ხალხით დაადგება ნაჩვენებ ახალ გზას.

ვანო,





### სამეურნეო ცნობების გამრცელების საჭიროება ხალხში სამდღეო ცნობების მიერ.

ჩვენი ხალხის უმთავრესს საქმეს მეურნეობა შეადგენს, მაგრამ ცხადია რომ უცოდინარობისა გამო, მას ეს საქმე წესიერად და სასურველად ვერა აქვს დაყენებული, რის გამო იგი ეკონომიურად დიდად დაქვეითებული და დაღარბებულია, ამ გარემოებას კი ცუდი გავლენა აქვს, რასაკვირველია, სხვათა, შორის, მის სულიერ და ზნეობრივ მდგომარეობაზედაც. ამისათვის ვიდრემდის ხალხი სწავლასა და ცოდნას შეიძენდეს და თავის მდგომარეობას წინ წასწევდეს, ექვს გარეშეა, რომ გავრცელება მის შორის ყოველგვარი სასარგებლო სამეურნეო ცნობებისა საღმრთო მოვალეობაა თვითთველ მასთან დაახლოვებულ განათლებული პირისა, უწინარეს ყოვლისა კი ეს არის მოვალეობა სოფლის მღვდლებისა. მაგრამ, ვინაიდან ხსენებულ საგანს საერთოდ მცირე ყურადღება აქვს მიქცეული სამღვდლოების მიერ, ამისათვის საჭიროა ამ საგნის შესახებ რამოდენიმე აზრი გამოვსთქვათ.

მიწის მუშა ხალხი საღმრთო მოვალეობის შემასრულებელია, იგი თავისი წმიდა და წრფელი შრომით გვარჩენს ჩვენ, ირჩენს თავის თავს და აკმაყოფილებს სხვა და სხვა მოთხოვნილებებს და რომელიც ამ კეთილ საქმეში სასარგებლო რჩევა—დარიგებით დაეხმარება მას, განსაკუთრებით კი მოძღვარი, რასაკვირველია, იგი დიდს მადლს მოიპოვეს ღვთისაგან და ხალხშიაც დიდს პატივსა და ნდობას დაიმსახურებს. მაგალითები გვიჩვენებს, რომ ხალხს შიშ უმეტეს უყვარს თვისი მოძღვარი, რომდენად იგი თვითონაც მშრომელია და მასთანაც დაახლოვებულია, რომდენად იგი მას შინაურს საქმეებში კეთილად ეხმარება. ცუდი გავლენა აქვს, როგორც ზევით ვთქვით, სიღარიბესა და გაჭირვებასა ადამიანის სულიერსა და ზნეობრივს მდგომარეობაზედ; სწორედ რომ უმეტეს შემთხვევაში სიღარიბე აბედინებს ადამიანს წინააღმდეგობის და სხვა ცუდი აქმეების ჩადენას; საპყრობილეებში რომ ვი-

კითხოთ, გავიგებთ რომ იქ ღარიბები მეტია ვიდრე მდიდრები. ერთი სიტყვით იქ მეტი უბედურობა ხდება, სადაც მეტი სიღარიბეა. ხოლო როდესაც მოძღვარი ხალხს კეთილს რჩევა-დარიგებას არ აკლავს, რასაკვირველია, იგი მით აღუჯობებს მისს მდგომარეობას და იხსნის მას სულიერად და ხორციელად მრავალგვარი გაჭირვებისა და განსაცდელისაგან. პირველი დროიდანვე კაცობრიობის ცხოვრებისა სიმდიდრე ითვლებოდა ღვთის კურთხევად, რომლითაც ღმერთი ხშირათ აჯილდოვებდა ხოლმე მართალს ხალხს, მაგ. ღმერთთან აკურთხა, სხვათა შორის სიმდიდრითაც მამათ-მთავარნი: აბრაამი, ისაკი და იაკობი, მართალი იობი და სხ.. წმ. ეკლესიაც ახალს ჯვარდაწერილებს უსურვებს, რომ მათი სახლი აღივსოს პურითა, ღვინითა, ზეთითა და ყოველგვარი კეთილითა. თვითონ მაცხოვარმან გვამცნო, რომ ზეციური მათისაგან გამოვითხოვდეთ „არსობის პურსა“, რითაც ცხადად გვიჩვენა, რომ ამ საგანზედ ზრუნვა საჭიროა ღვთის წინაშე. შეუძლია ამის შემდეგ მოძღვარს, რომელიც განათლებით მადლა სდგას უსწავლელს მუშა ხალხზედ და რომელსაც მეტი ესმის მასზე, გულგრილათ უყუროს მისს მდგომარეობას და არ ასწავლოს მას, რომელიც უაზრით და უსარგებლოთ მუშაობს და ამნაირათ ტყუილად ჰკარგავს ღვთისაგან ნაჩუქარს ნიქსა და მადლს? ჩვენ ამით იმას კი არ ვამბობთ, რომ მღვდელმა თვისი პირდაპირი მოვალეობა დაივიწყოს, საეკლესიო მოძღვრება-ქადაგება შეაჩეროს და განსაკუთრებით ზენა-თესვის ლექციები უკითხოოს ხალხს, არა, უკანასკნელის გამო მოძღვარმა თავის პირდაპირ მოვალეობას არავითარი დაბრკოლება არ უნდა მისცეს; და რაც შეეხება საშუალებას, რომლითაც მოძღვარმა ხალხს უნდა გააცნოს სხვადასხვა სასარგებლო სამეურნეო ცნობები, ეს უნდა იყოს უფრო პრაქტიკული. ავიღოთ მაგ., ზოგიერთი სოფლის მღვდლები რიგიანი ადგილ-მამულის მეპატრონენი არიან, რიგიანათაც ესმისთ მეურნეობა: მევენახეობა, მეფუტკრეობა, გაშენებული აქვსთ კარგი ბაღები, ჰყავთ კარგი ჯიშის საქონელი და სხ. და აი ყოველივე ამის ახსნა



განმარტებით და გაცნობით ხალხს დიდს დახმარებას აღმოუჩინენ. ამისთანა მოძღვას, რომელიც თავის პირდაპირ მოვალეობას გარდა, თვითონაც მუშაობს და სხვასაც ასწავლის, დროც არ შეაწყენს თავს და სამაგიეროთ ხალხშიაც მამაშვილურს სიყვარულსა და პატივისცემას დაიმსახურებს, რადგანაც იგი იქნება ერთის მხრით ნამდვილი სულიერი მამა და მოძღვარი ხალხისა და მეორეს მხრით თანამომე მისის შრომისა.

გადავხედოთ ისტორიას. მასში ჩვენ ვკითხულობთ, რომ ანტონი დიდმა, მის შემდეგ პახომმა სამონაზნო ცხოვრების დამაარსებლებმა, უმთავრეს და უსაკიროეს კანონად ლოცვა და შრომა დააწესეს; იგივე დაადგინა წმ. ვასილი დიდმაც, ესე იგი, ლოცვა, მოძღვრება და ხელით შრომა. მეექვსე საუკუნეში ქრისტეს შემდეგ დავსავლეთს ევროპაში ბენედიქტე ნურსიელმა დაარსა სამონაზნო ბენედიქტელთა ორდენი; ეს იყო დიდად მშრომელი ორდენი, რომელმაც გაცნო ხალხს მეურნეობა; მებაღეობა, მეფუტკრეობა, პირუტყვების მოშენება და სხ., ამისათვის როდესაც წარსული საუკუნის დასასრულს გაუქმებულ იქნენ დასავლეთში რამოდენიმე მონასტრები, მათ შორის ბენედიქტელთა ორდენი, როგორც მაგალითი შრომისა, სწავლა-განათლებისა და მიწად-მოქმედებისა ხელიუხლებელი დარჩა, ვინაიდან დიდი პატივი ჰქონდა ხალხში დანსახურებული თვისი შრომითა, მოძღვრებითა და სწავლის გავრცელებითა. ჩვენი უწინდელი ბერების წარსულსაც რომ გადავავლოთ თვალი, ხომ ისინი ლოცვისა და მოძღვრების გარდა, ასეთს მოღვაწეობასაც მისდევდნენ. იგინი მიდიოდნენ უდაბნო დი მივარდნილ ადგილებში, სჩებდნენ ტყეს, ხნავდნენ მიწას და უდაბნო მწირს ადგილებს მშვენიერ ბაღებად და ბოსტნებად აქცევდნენ. იქ, მათ მიერ დამუშავებულს ადგილებში სახლდებოდა ხალხი და ზეციურს სწავლასთან ერთად, იმათგან მეურნეობასაც სწავლობდა. ახლაც დიდსა და შესანიშნავს მონასტრებში ლოცვას გარდა, მისდევენ მიწის მუშაობასაც მებაღეობას, მეფუტკრეობას და სხ. და ამნაირად სულიერს მოღვაწეობას, ხელით

შრომისაც უმატებენ. (ამის მაგალითია ჩვენს ხლოს მდებარე ახალი ათონის მონასტერიც რომელსაც სამაგალითოდ აქვს დაყენებული მეურნეობის საქმეც, და განცვიფრებაში მოკცავს ყოველი თვისი მნახველი). მოძღვარი არის პირველად ეკლესიის მოსამსახურე, მაგრამ იგია მასთანავე საზოგადოების წევრიც, რომელიც უნდა ცდილობდეს მისი ყოველგვარი წარმატებისათვის. არიან სხვადასხვა სამეურნეო ამხანაგობანი, მრავალგვარი გამოფენანი, გამოდის სხვადასხვა სასარგებლო სამეურნეო წიგნები, არის მრავალგვარი სამეურნეო იარაღები და სხვ. და სწორეთ მათი გაცნობით და ახსნა-დარიგებით დიდს დახმარებას, შემწეობას და სიკეთეს აღმოუჩინს მოძღვარი მუშა ხალხს. უკეთუ მუდამ სახეში გვექნება ჩვენ მაცხოვრის სიტყვები, რომელმაც ბრძანა: „მშვიდა და არა მეცით მე ქამადი, მწყუროდა და არა მასვით მე, შიშველ ვიყავ და არა შემოსეთ მე“ (მათ. 23, 42—43) და სხ. რასაკვირველია არ შეგვიძლია გულგრილად ვუყუროთ მშვიერს, მწყურვილს, შიშველს და არ შევეწიოთ მათ საქმით თუ არა, სიტყვითა და დარიგებით მაინც. ვანა შეიძლება გულგრილად გაიაროს აღამიანმა ქობის ახლო, რომელიც შემოზღუდვილი იქნება ჯაგებითა და ეკლებით და სხვა უნაყოფო მცენირეებით და არ ჩააგონოს სახლის პატრონს მათი უსარგებლობა და უფარგობა? ხოლო თუ ვინმეა ამაში ვალდებული, მით უმეტეს მოძღვარი, რომელიც სიტყვითა და საქმით მაგალითი უნდა იყოს ხალხისათვის და სასტიკი პასუხი უნდა აგოს მაცხოვარს დიდი განსჯის დღეს თვითოეული მისდამი რწმუნებული სულის დაბრკოლებისათვის. მივაქცევ სამღვდელოების ყურადღებას ამ მნიშვნელოვანს საგანს იმ აზრითა და მიზნით, რომ ჩვენი და ჩვენი ხალხის მდგომარეობა გაუმჯობესდეს, რათა პასუხის მგებელნი არ შევიქნეთ წინაშე ღვთისა და მოციქულგებრივი ჩვენი სამსახური გავასრულოთ არა მარტო სიტყვითა, არამედ საქმითაც „ნუ ვიყვარებით სიტყვითა ხოლო, ნუცა ვენითა, არამედ საქმითა და ქეშმარიტებითა“ (კათოლ. იოან. 3, 18). როდესაც უფალმან ჩვენმან იესო ქრისტემ უდაბნოში მშვიერი ხალხი განაძღო, მაშინ მოციქულებს მან ასე უბრძანა: „თქვენ ეცით მაგათ ქამადი“—ო (მათ. 14, 16). ეს სიტყვები მაცხოვრისა პირ-



დაპირ გვაპნევს ყველა მოძღვრებს, რათა სიტყვითა და საქმით შევეწიოთ ჩვენს უნცროსს ძმებს და ვასწავლოთ მათ, როგორ უნდა განამარაგოთ „პური არსობისა“, ურომლისოდ სულიერი და ზნეობრივი წინსვლა ხალხისა შეუძლებელია. დასასრულს, ნათქვამს უნდა დავუმატოდ, რომ ჩვენ არ უნდა შეგვაჩეროს იმ გერემოებამ, რომ თანამედროვე სამღვდლოება სამეურნეო ცოდნით არ არის საერთოდ შემზადებული, უკეთუ ჩვენ, ხსენებული საგნის შესახებ, ჩვენ მიერ წაკითხულს, ნახულს და საკუთარის გამოცდილებით შეძენილს ცოდნას გარდაეცემთ ხალხს, ჯერ-ჯერობით ესეც კარგია. დარწმუნებული ვიყით, რომ ვალსაც შევასრულებთ და ნაყოფსაც კეთილს დავინახავთ. ეს საქმე, იმედია თანდათან უკეთ წავა და შემდგომი იქნება ღმერთმაც ინებოს და სამღვდლოება სამეურნეო ცოდნითაც რიგიანად შემზადებული ეყოლოს ხალხს. ამის ნიშნებს იძლევა გაზეთების ახალი ცნობები, რომლითაც ჩვენ ვტყობილობთ, რომ უწმ. სინოდთან არსებულ სამოსწავლო კომიტეტს გადაუწყვეტია სასულიერო სემინარიებში და ეპარქიალურ საწავლებლებში მომავალ სამოსწავლო წლიდან შემოიღოს სასაფლო მეურნეობის სწავლება. იმედია, აგრეთვე, ხალხიც თანდათან სწავლა-განათლებას შეიძენს და თავის მდგომარეობას მატერიალურადაც გააუმჯობესებს, რაც კეთილს გავლენას იქონიებს, უეჭველია, მისს სულიერსა და ზნეობრივს მდგომარეობაზედაც.<sup>1)</sup>

მღ. სერგი მაჭარაშვილი.



### წაღმა-უკუღმა.

#### II.

შითხრობა 3. წუთისათულისა.

გაგრძელება<sup>2)</sup>

იორდანეს ახლა ახალი საოცნებო საგანი დაებადა, უფრო ნაზი და სასიამოვნო ეპვიცარ

1) რამოდენიმე აზრით ვიხელმძღვანელო რუსულიდან. ავტორი.

2) იხ. შინ. საქ. № 30.

ჰქონდა მას, რომ ის ქრისტიანსაც უყვარდა ისე, როგორც მას თვითონ უყვარდა ქრისტიანს; გარდა ამისა ის იმაშიაც კი იყო დარწმუნებული, რომ სოფლის ღარიბი ხუცესი სიხარულით შეეგებებოდა შვილის ასეთ ბედნიერებას და ამ სახით დაბრკოლება არსაიდან არ იყო. მართალია, ცოლის შერთვას ის არც ასე იოლად აპირობდა, სანამ საქმეს ბეჯითად არ დააკვირდებოდა და რიგიანად არ გაიცნობდა საცოლოს, მაგრამ არც ამ უცუარი შემთხვევით იყო ის უკმაყოფილო. მან ადამიანის გამოკნობა ზედმიწევნით იცოდა და ესეთი ცნობით ის სრულიად კმაყოფილი იყო ქრისტიანთი... ამ ტკბილ ოცნებით იორდანემ რამდენჯერმე შეათამაშა მხრები და მოუჩქარა ცხენს. მან მალე გაიარა იმერთი და შევიდა სამეგრელოში; ცოტა კიდევ და აი, მისი სახლიც გამოჩნდა და რაღაც ბავშური სიამეც იგრძნო... არის ხოლმე ადამიანი, რომელიც ყოველგვარ ცხოვრების ბერვას ჰყვება; საკუთარ შეხედულობას ამა თუ იმ საგანზე, სულ უბრალო მიზეზისა გამო, ანაცვალვებს უმნიშვნელო შემთხვევას, ასეთი ადამიანი ბეჯითი არ არის, მას გული თან და თან ერეცხება და არავითარ კეთილ მისწრაფებას მის გულში ფესვების მოკიდება არ შეუძლია...

ასეთ გულ — უნიადაგო ადამიანებს ძალიან მალე ეკარგებათ სიყვარული, როგორც სამშობლო კუთხისა, ისე მთელი სამშობლოსადმი... ასეთს პირებს არ ეკუთვნოდა იორდანე; თუმცა ის ბოვშობიდანვე განშორებული იყო მის სამშობლო სოფელს, მიუხედავად ამისა, ის ბალღური სიყვარულის გრძნობით იყო გამსქვალული თავის სამშობლო კუთხისადმი და ილტაცებით იგონებდა იმ კერას, სადაც მან პირველად ამოისუნთქა. მისი მივარდნილი სოფელი მას მთელ ქუთაისს ერჩია და შინ მისვლა ისე უხაროდა, როგორც პატარა შეგირდს სალდგომოდ მშობლებისას დაბრუნება.

იორდანეს და ქრისტიანს, დანიშნულ ხუთშაბათამდის, დღეები წელიწადებათ ეწვენებოდათ; ისინი დღეში რავდენჯერმე დათვლიდენ აღნიშნულ რიცხვამდე დარჩენილ დღეებს და აი, ის დღეც გაათნდა! იორდანე, მზადება ზედმიწევნითი ჰქონდა და მოუთმენლად მოელოდა ძვირფას სტუმრებს. სტუმრებს რომ ცოტა დაავიანდათ, ის სულ-მოკლეობამ შეიპყრო და ვინ იცის, რას იგრძნობდა იორდანე, რომ ცოტა კიდევ და სტუმრებიც არ გამოჩენილიყვნენ. იორდანე თვითონ



მიეგება სტუმრებს და პირველ მოვალეობად, მისი საყვარელი არსება ჩამოსვა ცხენიდან, პატივისცა მღვდელსაც, ნათესავებზე გაკოცნეს ერთმანეთი და მხიარულად შევიდნენ სახლში. სადილიც ჩინებული გაიმართა. საღამოს სტუმრებ-მასპინძლებმა ინახულეს თემის დღესასწაულობა, რომელიც გოგო-ბიჭების ცეკვა-თამაშში და ცხენების ქენებაში გამოიხატებოდა...

მღვდელს ძალიან მოეწონა იორდანეს მოსახლობა. მან ბეზობლებისაგან უფრო დაწვრილებით გაიგო იორდანეს მღვდმარეობა და კარგი ქონების პატრონადაც წარმოუდგა. „ღმერთო შენით, ჯვარი დაუწერა ნეტაი ჩემს ქრისტიანზეო,“ რაედენჯერმე გაუელვა მღვდელს გულში სურვილმა. დღეობიდან დაბრუნებულმა ხუცესმა მოისვა გვერდში იორდანეს მამა და მოუყვა თავის თავ-გადასავალს, ისე სიამოვნებით და ნეტარებით, რომ თითქო ეს რამდენიმე წელიწადია, რაც არ უთქვამს ეს მისი სანატრელი მოთხრობაო. იორდანე და ქრისტიანაც, საზოგადო მხიარულობაში, თანდათან გაუმჯობესეს ერთი-მეორეს მათ-მათი გულის ნადები და ცოლ-ქმრობის უტყუარი აღთქმაც დაუდგეს ერთმანეთს, რაც ძალიან მოკლე ხანში უნდა მომხდარიყო. ღამეც მშვიდობით გაატარეს და მეორე დილას იორდანემ უთხრა თავის მამას მისი სურვილი და სთხოვა პირდაპირ ეთქვა ეს გარემოება დედლისათვის. მღვდელმა ღმერთს მადლობა შესწირა, როცა გაიგო, რომ მისი წინაღამინდელი ნატურა მეორე დღესვე შეუსრულდა. დაიბარა იორდანე დაუძახა ქრისტიანსაც, დაიყენა წინ და ორივე მხურვალე გულით აკურთხა. იორდანემ ასმანეთიანი მიულოცა სასძლოს და თან თავისი ოქროს საათიც დაჰკიდა. სადილზე, ჩვეულებისამებრ, პირველად მეფე—დედოფლის სადღეგრძელო დალიეს, სადილიც მადიანად მიირთვეს და შემდეგ, ჩვენი მგზავრები, იორდანეს თანხლებით გაუდგნენ გზასა. მღვდელი რომ შინ მივიდა, პირველად ცოლს მიახარა ეს იშვიათად მოსალოდნელი, უცაბედად მომხდარი ბედნიერი შემთხვევა და დროც გადასწყვიტეს, თუ როდის უნდა მომხდარიყო ახალ-დანიშნულთა ჯვარისწერა.

II

ქ. ქუთაისის დიდი ნაწილი ახალ-გაზდებისა იცნობდა ლიზა ასლიანის ასულს, მაგ-

რამ იცნობდა არა მარტო უსაქმო ახალ-გაზდობა, რომელთა გაცნობას მნიშვნელობა დიდი არაფერი აქვს... მას იცნობდა ეგრეთვე ღირსეული პირები და, ასე გასინჯეთ, ხანდახან კარგ ვინმეების სალაპარაკო საგნადაც ჰხდებოდა ის. ცნობაც არის და ცნობაც მაგრამ ყველა ერთნაირად როდი იცნობდა მას? ზოგი პატიოსან და თავშეკავებულ ადამიანს უწოდებდა, ზოგი ლამაზს, ზოგი დიდ მზითვიანს, ზოგი მიუკარებელს და უზღელს, ზოგი ამაყსაცუი და სხ. და სხ., მაგრამ საზოგადოდ, ღირსეული პირები ღირსეულად იხსენიებდენ ამ გულ-მარტივ ადამიანს... მართალია, ლიზა ძალიან კარგად გრძობდა, რომ მას ყურადღებას აქცევდენ, უყვარდათ, აფასებდენ და ზოგიერთები მასთან გამოლაპარაკების და დაახლოვების შემთხვევასაც დაეძებდენ, მაგრამ ამით ის სრულიადაც არ ამაყობდა და რამდენადაც ყმაწვილ-კაცებს მასთან დაახლოვებასწყურდათ, იმდენად, მათ გულ-საკლავად, ის გაურბოდა ამ უკანასკნელთ. ის ყოველთვის ღინჯად დაიარებოდა და თითქო, სულ არაფრად აგდებს ქალაქის ახალ-გაზდობასო, გამოლაპარაკების ღირსადაც არ ხდიდა მათ ლიდა იშვიათად გამოდიოდა ქუჩაში და ისიც, უსათუოდ რამე საქმისთვის; პირდაპირ მიდიოდა საქმეზე და იმავე სახით ბრუნდებოდა შინ, მართალია ძალიან უყვარდა საღამ-საღამოობით ბულვარში გამოსეირნება, მაგრამ აქაც იშვიათად დაიარებოდა, რადგანაც იშვიათად ატყობდა, რომ გამველ-გამოვლენი გასაყიდ საქონელივით უყურებდენ მას და ხანდახან, ასე გასინჯეთ, უზრდელი სიტყვებიც ესმოდა დაუბატიყებელი მოტრფილულებისაგან, რაც მას სრულიადაც არ მოსწონდა და ამის გამო არიდებდა თავს იმ ერთად-ერთ ადგილსაც, რომელზედაც შეიძლება ითქვას, რომ ზაფხულობით შეადგენს ქალაქის სულსო. ერთის სიტყვით, ლიზა არ ეკუთვნოდა იმ დედათა სქესის გუნდს, რომელიც მეორე სქესის ყურადღებით ამაყობს კიდევ და რამდენადაც ყურადღება ექცევა, იმდენად კოპწიობს, იმდენად ჰსურს დაატყვევოს, დაიმონავოს, მთლად ფეხთა მტკრად გაიხადოს მისი ერთგული. ამით ლიზა გამოიწილის შეადგენდა, რაც ზოგს მოსწონდა, მაგრამ უმფრო მეტი ნაწილი ასეთი საქციელით ბრახდებოდა კიდევ... ან რად მოიწონებდენ ლიზას ამგვარ ყოფაქცევას ის ყმაწვილ-კაცები, რომელთაც „ცა ქუდათ არ მიიჩნიათ და დე-



და მიწა ქალამნადა“, რომელნიც მხოლოდ იმიტომ სცხოვრობენ, რომ დღე და ღამე მხოლოდ უზრუნველ მხიარულობაში ატარონ, მართოდ იცინონ, მუდამ წუთიერ კმაყოფილებაზე იზრუნონ და საქარაფშუტო საქმეებში ჰკოვონ უმთავრესი მიზანი ცხოვრებისა? აბა რად მოეწონებოდათ თავ-მოკავებული ქალიშვილის ყოფაქცევა იმ უზრუნველ-უღარდელ და გულ გამოხრულ-გამოფიტულ ახალ-გაზღებს რომელთათვის არ არსებობს მისი და სხვისი, არ არსებობს წასრული და მომავალი და მხოლოდ აწმყოთი სულდგმულობენ და ისიც, ვინ იცის, როგორ და რითი?... ლიზას მიუკარებელმა ხასიათმა გამოიწვია ამგვარ ყმაწვილების გულის წყრომა. რა ისინი ვერაფერს გახდნენ ლიზასთან ვერავთარი ხერხით და ლონის-ძიებით, უსიამოვნო ხმების დაყრა და უწყეს. ერთი ამბობდა: „ოხ, რა კაი ქალი-შვილია, გუგულოვით მიუკარებელი არ იყოსო!“—სახიერება რას უკეთებს უზრდელ და გაუხეხავ ადამიანსო.“ —ამბობდა მეორე. „გემნაზიაში ნაყოფი მაინც არ იყოს, კიდევ ჰო, სხვა რამე ითქმოდაო,“ —ადასტურებდა მესამე. „გემნაზიიდან ბულბულებიც გამოდიან და ჩხიკვებიცაო,“ —პასუხს უგებდა სხვა. „ასეა თუ ისე, სახიერების შესაფერად გავარჯიშებულნიც რომ იყოს, მეტად ჩინებული ქალი იქნებაო,“ —ამტკიცებდა კიდევ სხვა და ამგვარად თითოეული მათგანი თავის საკუთარი აზრისა იყო ლიზას შესახებ და საზოგადოდ-კი „პროსტად დერევენსკადა დევუშკა“ დაარქვეს.

ლიზას სინაზე-სინარნარე, მორცხვობა-სიღინჯე, გონიერების თავდები შუბლის მოყვანილობა, შორს მქვრეტელი და ღვთიური გამოხედვა, იშვიათი სულის სიმტკიცე—მშვენიერება, მისი გარეგნულ ჩინეულ სილამაზესთან შეერთებული, მართლაც მეტად ძვირფასი იყო და მისი დაფასება შეეძლო მხოლოდ იმას, ვისაც ამ ღირსებაების გამოცნობის ნიჭი ჰქონდა და, რა თქმა უნდა, ასეთი ღირსებაები, თუ ვსენი, სამაგალითოდ მაინც არის, დაჰყვა დედათა სქესს, თავის დღეშიაც არ არიან ფეხით სათელნი იმ ახალ გაზღებისა და ხასიათით მათი მზგავსი ძველ-გაზღებისაც, რომელთაც ყოველისფერი უნდათ წუთიერი

კმაყოფილებისათვის და ამას იქით სპილოს ბუზათაც არ იყიდიან.

**კ. წუთისოფელი.**

(შემდეგი იქნება).



**წერილი გრავ ლ. ნ. ტოლსტოისა.**

პროფესორმა ი. ა. მალინოვსკიმ ლ. ნ. ტოლსტოის გაუგზავნა თავის წიგნი „სისხლის“ მიუბა და სიკვდილით დასჯა და მიიღო უკანასკნელისაგან მიმღვი წერილი:

იოანიკე ალექსისძე! გულითად მადლობას გიძლავნი თქვენი წიგნის გამოგზავნისათვის. მე ჯერ კიდევ-თლათ არ წამიკითხავს იგი ყურადღებით, მაგრამ რაც წავკითხე, იქიდანაც დავინ: სე მისი დიდი მნიშვნელობა ჩვენი საზოგადოების განთავისუფლებისათვის იმ სამინული გიპნობისაგან.... თქვენი წიგნი ერთი უმთავრესი მოქმედება იქნება ამ განთავისუფლების საძირკვი. ასეთი წიგნები, როგორც გუშინ სეუბრთბითაც არ უთსარი ჩემ ასალგაზდა მკობარს ვ; მულგაკოვს, ისეთ რამეს მოასდენენ, რაც მე შეუძლებულათ მიმარნდა: შეპარტგუმენ თეცივალურ მიცნაიარუშას.

განა 50 წლის წინეთ მიძებლთ წარბიმიდგინა, რომ ნასეყარი საუკუნის მიმღვი ჩვენ რუსეთში სასარჩობულა ნორმალურ მთვლუნად გადიქვოდა, რომლის საარგებლობის მცივიებას დაიწყებდენ წასწავლუმი და განათლუბლუმი! მაგრამ როგორც ყოველ ბორთცოქას სიკეთეთანსდევს სთლმი, ისე ესეც: რომ უკანასკნელი სამინული მიმღვი რევთლიუციის ქლუმი არ ყოფილიყვინ, არ იქნებოდა ეს გამწვავებული შრბთლაც სიკვდილით დასჯის წინააღმღვი, არ იქნებოდა ის ბნობრივი, საარწმუნობრივი და გთნიერთი საბრთუმი, რომლუმიც ასე თვალსაჩინოდ აჩვენებენ ამ სიკვდილით დასჯის წინააღმღვიობას და უქუთბას,—რომ უკან დაბრუნება შეუძლებულია. და ამ საბრთუბთა შორის თქვენი წიგნი ერთ უპირველეს ადვილს დაიჭრს. იმიდი მაქვს, ბრწამს, რომ არ ვსცდები ესლა.

ერთსელ კიდევ გმადლობ ამ წიგნის გამოგ-



ზავნისათვის და უფრო მისი დაწერისათვის, და გულით გისურვებთ საუკეთესო შედეგებს და დაეხმადო: ასეთივე ნაკლები მრთავის განგებ-ბნობას.

**პირუთვნელი პატვისცემით და სიყვა-რულით ლეონ ტოლსტოი.**



## ნარკვევი.

### გაბნეულობა შესანიშნავი კაცების.

ზოგიერთი გამოჩენილი კაცი შესანიშნავ გაბნეულობას იჩენდა ხოლმე. მაგალითად. ცნობილი ელისონი ისე გაიტაცა მუშაობაში დადევს, როცა ჯვარი უნდა დაეწერა, რომ დანიშნულ ვადაზე ჯვარის დასაწერათ წასვლა დააიწყა; შესანიშნავი ვეჭილი გილლი ხშირად ცოლს უწუნებდა სადილს, თურმე სტუმრობაშიდაც ცოლს შენიშვნას აძლევდა ესა და ეს საქმელი ცუდათ გაგიკეთებიაო, ავიწყდებოდა რომ მისი ცოლი მარტო საკუთარ ოჯახში დარბაისლობა და არა სასტუმროებში და სხვის ოჯახებში; შესანიშნავი მეცნიერი პასტერი სადილის შემდეგ ყურძენს მიირთმევდა და სტოლზედვე სათითოდ ყურძენს მარცვალს რეცხდა, რომ მავნე ბაქტერიები არ ჩამყვესო; შემდეგ ისე გაიბნა, რომ ის ნარეცხი თითონვე დალია.

### სად უფრო მეტ ხანს ცხოვრობს კაცი?

ამის შესახებ ერთ ნემეცურ გაზეთს შეუკრებია საინტერესო სტატისტიკური ცნობები: საშუალოთ თურმე ადამიანი შვედიაში სძლებს 50 წ.; ინგლისში—45 წ., შვეიცარიაში—44., საფრანგეთში—43., ავსტრიაში—39 წ., იტალიაში—38., გერმანიაში—36 წ.—საკვირველია, რომ კაი ქვეყნებში უფრო მოკლე ყოფილა ადამიანის სიცოცხლე!

### ოთხფეხთა თავშესაფარი.

ერთ მდიდარ გერკოგს ლონდონის ახლოს დაუარსებია მოხუცებული ცხენებისთ-

ვის თავშესაფარი, სადაც უვლიან თურმე დაუძღვრებულ ცხენებს წელიწადში ერთხელ განსხვავებულად უვლიან და საზრდოთი მეტ სიამოვნებას აძლევენ თურმე; თავშესაფარში ყოველ წლივ არის თურმე 30—40 ცხენი.

ზოგიერთი ჩვენი მდიდრები ნეტა ადამიანებზე გამოიჩენდეს ამდენ შურუნველობას და ოთხფეხზე ზრუნვა ჩვენთვის კიდევ შორს არის!!!

### რამდენ ხანს ცხოვრობს ადამიანი?

აქამდის ყველას ეგონა, რომ ადამიანი 160 წელიწადზე მეტს ვერ გაძლებსო, და ამდენი ხნის სიცოცხლის მაგალითიც ერთი იყო ვილაც გაღზეს გაეძლო 160 წელიწადი და სიკვდილის დრომდე არც კეუა გონება მოკლებოდა და არც კბილები. ამ ორი წლის წინათ ცნობილმა პროფესორმა მეჩნიკოვმა თავისი გამოკვლევით დაამტკიცა რომ ადამიანს შეუძლია გასძლოს 200 წელიწადიო, მაგალითს კი ჯერ ვერ ვხედავთ, ყოფილა მხოლოდ ერთი შემთხვევა ტომსკში, სადაც 1882 წელში უნახავსთ კაცი, რომელსაც უთქვამს 200 წლისა ვარო და საბუთებიდანაც აღმოჩენილა, რომ მართლა 200 წლის ყოფილა., მაგრამ ეს საბუთებიც რამდენათ საიმედო იყო ვინ იცის.

### სოდას ხმარება ოჯახში.

სოდას ბევრნაირად ხმარობენ ექიმობაში და შინაურ ცხოვრებაში, სხვათა შორის სწერენ, რომ სადაც დიდი ოჯახია და ხშირათ ჩაეს სვამენ, საკმაოა ჩაინიკში ნახევარი ჩაის კოვზი სოდა ჩაყარონ, რომ ჩაეს სულიც დიდხანს შერჩეს და ფერიც კარგი გამოჰყვესო.

### ადამიანის ტვინის წონა.

პროფესორის მარშადის გამოკვლევით ადამიანის ტვინი დაბადებიდან 15—50 წლამდე იწონის: მამაკაცის 1,400 გრამს, დედაკაცის კი 1,275 გრამს. მამაკაცთა შორის მხოლოდ 30% აქვს ტვინი 1,450 გრამზე მეტი და 20% 1,300 გრამზე ნაკლები; დედაკაცებში კი 25% აქვს ტვინი 1,200 გრამზე ნაკლები; საშაგიეროთ 50% ამაზე მეტი და



თითქმის 1,350 გრამზე მეტი. მამაკაცებს ტვინის ზრდა უსრულდებათ 19—20 წლებში, დედაკაცებს კი 12—16 წ., კლებას იწყებს ტვინი ორთავე სქესის ადამიანისა 80 წლის შემდეგ.

ამ გამოკვლევებიდან ცხადათ სჩანს, რომ დედაკაცი უფრო მალე მწიფდება და სრულდება, ვინემ მამაკაცი, ხოლო რაც შეეხება ნიკიერებას ეს ტვინის სიმძიმეზე არ არის და მოკიდებული, და მაგალითებიც არის, რომ ნიკიერ ადამიანებს ტვინი წონით უფრო მხატე აღმოაჩნდათ ვინემ უნიკოებს; მაგალითად შესანიშნავი ფილოსოფოსის სპინოზას (ეროვნებით ურის) ტვინი ძლიერ პატარა და მხატე აღმოჩნდა, აგრეთვე იოანე გუსსის (ჩამომავლობით ჩეხი იყო). ნიკიერება არის დამოკიდებული.

რაოდენობაზე. არც სქესს და არც წონას მნიშვნელობა არა აქვს.

**რამდენ ხანს სცოცხლობენ ცხოველები და ფრინველები და თევზები?**

ცხოველებში ყველაზე მეტ ხანს სძლებს სპილო—200 წელიწადს, შემდეგ აქლემი—100 წელიწადს., მარტორქა—80 წელიწადს., დანარჩენი ნაკლებს.

თევზებში: გველეშაპი (КИТЬ)—300-400 წლამდე, ქარიყლაპია (ЩУКА)—300 წელიწადს; (КАРПЬ)—150 წელიწადს; (СЕМГА)—100 წელიწადს, დანარჩენები ნაკლებს.

ფრინველებში: არწივი და შავარდენი 200 წელიწადს; ყვავი და გედი—100 წელიწადი, დანარჩენები ნაკლებს.

(ტ.)

**რახიტის მიზეზები.**

ინგლისში მეტად გავრცელებულია დიდი ხნიდან ძვლების ავთამყოფობა, რომელსაც **რახიტისმი** ჰქვია და ხშირათ ინგლისის ავთამყოფობას ებახიან. ეს ავანტყოფობა უმეტეს ნაწილათ იმაში გამოიხატება რომ ბავშვებს, უფრო ხშირად დაბალ ხანში, ძვლები უსწორმასწორათ ეზრდებათ და კბილების ამოსვლა უგვიანდებათ, შემდეგ ტანში ავთამყოფობა სხვა და სხვა ფორმებს ღებულობს ბევრგვარ

სენს იწვევს. ამ ავთამყოფობით იყო შეპყრობილი ბაირონი და რუსეთის მწერალი ლერმანტოვი, რომლის წინაპარიც ჩამამავლობით ინგლისელი იყო. რახიტისმი ცხოველებშიდაც ყოფილა თურმე და უმეტესად დატყვევებულ და დამწყვდეულ ცხოველებს უჩდებათ თურმე. ესლა გამოუკვლევიათ, რომ ამ საშინელი სენის მიზეზი ყოფილა უმოძრაობა და ჰაერის სიცოტავე. ამით აიხსება თურმე რომ იმ ბავშვებს უფრო უჩდება რახიტისმი, რომელნიც ზამთარში იბადება და მათ ბინაზე ჰაერიც ცოტაა და მოძრაობაც არა აქვს თურმე საკმაო. მიუქცევიათ ყურადღება იმ გარემოებისათვის, რომ იაპონიაში ერთი შემთხვევაც არ არის თურმე რახიტისმის, რაც იმით აიხსნება, რომ იქ პატარა ბავშვები სულ ჰაერზე იზრდებიან და ნიადაგ მოძრაობაში არიან. ამგვარათ საუკეთესო საშვალეობა რახიტისმის წინააღმდეგ ყოფილა სუფთა ჰაერი და ხშირი მოძრაობა. კავკასიაშიდაც ვრცელდება თურმე ეს გარემოება მით უმეტეს რომ ჩვენში მეტათ გავრცელებული ჩვეულებაა ბავშვის ხელში აყვანა და ისე ტარება, მაშინაც კი როცა ბავშვი ფეხზე მომაგრებულია.

**მომავალი დროის ადამიანის გარეგნობა.**

ცნობილმა აკადემიკოსმა თარხანოვმა გამოსთქვა ის აზრი, რომ მომავალ დროში ადამიანს თავი უფრო დიდი ექნება. რადგან ტვინი თანდათან განვითარდებაო, ტვინის განვითარება გამოიწვევს ტანის განვითარებას და გადიდებასაო, მხოლოდ ხელი და ფეხი კი დაუმოკლებდებო, რადგან ტექნიკური გამოგონება სხვა მანქანებისა ფიზიკურ შრომას შეუმცირებს ადამიანსო; თმა კი შესაძლებელია სულ მოისპოს ისე როგორც ხელსა და ფეხზე მოისპოო.

უფრო საყურადღებო და დასაჯერებელია ბ. თარხანოვის აზრი კორსეტის გავლენის შესახებ. კორსეტის უმზგავსო მოქერის გამო, ამბობს იგი, დედაკაცის შიგნეულობა განიცდის მავნებელ გავლენას, განსაკუთრებით ღვირძლი, კუჭი, გული და ქაქები, რის გამოც უჭირს ქალს სუნთქვა, სისხლის მოძრაობა და საჭმლის მონელება. აი ამ მიზეზით აიხსნება სხვათაშორის ის სამწუხარო გარემოება, რომ ეხლანდელი ქალები სწეულდებიან. სუსტდებიან და ხმებიანო.



როდის იქნება ის ღრო, რომ შეიგნოს საზოგადოებამ და ეს ტანმრთელობის მომსახური ნივთი აღარ გააკეთოს და მით უმეტეს ლუკმის ფული ამაში არ მისცეს.!



**კვირიღამ კვირობაგადე.**

14 ნოემბერს მართლმადიდებლობის აღმადგურელ საზოგადოების 50 წლის მოღვაწეობას დღესასწაულთაჲნ. ამ დღესასწაულზე დასასწრეთათ მიზრბანდებიან ყ-დ სამღვდელთნი იმერეთისა გიორგი და გურია-სამეგრელოთისა ლენიდი.

რთგორც დანამდვილებით ვიცით, მისი მალა ყ-დ შესამღვდელთსოთა იქსარსთსი ინოკენტი 15 ნოემბერიდგან ჰეფერბურგს მიზრბანდებთ, სადაც, უჩუქალია, უწ. სინოდს გაცემთს საქართვალთს ეკლესიის დღეანდელ მდგმმარობას.


რთგორც გადმოვცემს „სას. გაზ.“ ნამცენივს პრთოდცი წარუდგინთ შესასუბ დრთობით ვალდებულ გლესთა განთავისუფლებისა კავკასიაში

რთგორც „ზაკავ. თბობრნიყ“ გადმოვცემს მალე უნდა მოვლოდეთ ასალი სამინისტრთს დაარსებას, რაც მალალ სფერუბში უვევ გადაწყვილ საქმეთ მიანნიათ. ამ სამინისტრთს სახელად **ტანმრთელობის შემნახველი სამინისტრო** უწოდებთ. დღეს ამ სამინისტრთს საზოგადო სუქმა მუშაედებთ პრთესორ რეინის ხელმძღვანელობით და იქიმ გამალის მონაწილეობით. ეს საკითხი დუმის ამ შქმდგომის სესიაშივე უნდა გადაწყდეს.

რთგორც იმერეთის ეპარქიალურ კანცელარიიდან გვაცემთნიებუნ, საქართვალთს საქსარსოთს უკამატირთ სამღვდელთობის დასავმაცო-

თვლულად წელს სინოდს 15 ათასი მანეთი გადაეღებს.

რთგორც გაზ. „Нов. Рѣчь“-ი გვაცემთნიებუნს, ალაყურდის ეპისკოპოსად სინოდი არს. პირთსს ნიშნავს.



რუდაცდარი, მღვდელი **სიმონ მჭედლიძე**.  
გამომცემელი **იოსებ ლეუავა**.

# განცხადებანი

„შინ. საქმეების“

## რედაქციაში იყილება:

**კლიროვის უწყებები** ახალი ფორმისა და ყველა უწყებები (**Вѣдомости**) წლიური საბლალოჩინო ანგარიშისათვის. ბლანკები ქობის გამოცემა და ფულიც მას ეკუთვნის. ფასობ ლანკებისა რწყვილი 5 კ. ვინც ორასზე მეტს დაიბარებს — წყილი 4 კ. ხვედრი ფული უნდა გამოიგზავნოს ამ დრესით:

Кутаисъ Правленіе религиозно-просвѣтительнаго братства.

Ольденбургская д. № 5





შინაური საქმეების რედაქციის იუილება  
შემდეგი

❖ **ი ბ ნ ა პ ე ბ ი**

1. ქრისტიანობა ბებელის ლაბორატორ. 10 კ.

2. ქრისტე ღმერთია? . . . . . 10 კ.  
3. სიკვდილი მართლისა . . . . . 5 კ.  
4. წყარო ურწმუნოებისა . . . . . 2 კ.  
5. პატარა ქრისტიანი . . . . . 2 კ.  
6. ათეიზმი და მისი გავლენა ცხოვრებასა  
და მეცნიერებაზე 10 კ.

Открыта подписка на 1911 годъ

(4-й годъ изданія)

на иллюстрированный научно-популярный журналъ

# „Астрономическое Обозрѣніе“.

Рекомендованъ, признанъ заслуживающимъ вниманія и допущенъ въ библиотеки среднихъ учебныхъ заведеній министерствъ: Военнаго, Морскаго, Народнаго Просвѣщенія, Торговли и Промышленности и Главн. Управл. Землеустр. и Землед. (для низшихъ).

Въ журналѣ помѣщаются статьи по всѣмъ отдѣламъ астрономіи, написанныя вполне доступно. Особенное вниманіе удѣляется новинкамъ, какъ астрономіи, такъ и связанныхъ съ нею наукъ: физики, химіи, метеорологіи и физики земнаго шара. Предназначенный для широкаго круга лицъ, онъ будетъ заключать все, что можетъ быть полезно и интересно для всякаго, а въ особенности **любителямъ астрономіи.**

Къ напечатанію приготовленъ рядъ статей: 1) Комета Галлея (ея прошлое, настоящее и будущее), 2) Телескопъ любителя астрономіи, 3) Разстоянія звѣздъ, 4) Новый способъ наблюденія солнечныхъ пятенъ, 5) Горныя обсерваторіи, 6) Значеніе астрономіи для человѣчества, 7) Роль **Любителей астрономіи** въ наукѣ, 8) Какъ самому устроить обсерваторію, 9) Какъ самому сдѣлать солнечныя часы, 10) Астрономія въ древнемъ Китаѣ, и пр. Въ каждомъ номерѣ приводятся отчеты о трудахъ любителей астрономіи и указываются планы работъ для нихъ. Кромѣ того сообщаются на три мѣсяца впередъ свѣдѣнія о предстоящихъ небесныхъ явленіяхъ. Журналъ выходитъ 6 разъ въ годъ номерами въ 2 печатныхъ листа каждый, съ рисунками и чертежами.

Цѣна съ пересылкой и доставкой **3 рубля** въ годъ; допускается разсрочка по 1 рублю. Оставшіеся экземпляры журнала за 1909 гг. высылаются по цѣнѣ три рубля каждый.

Плату слѣдуетъ высылать по адресу редакціи:

гор. Измаиль (Бессар. губ.), Красивая улица д. № 11/2

(3—1)

редакторъ издатель **Н. Пелипенко.**

Электротпечатная Типографія. Иванъ Давидовичъ Киладзе въ Кутаисѣ.